



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726 400;
fax. +387 33 726 423;
e – mail: info@voda.ba .

Broj: **30-721-12/18**
Datum: 13.09.2018. godine

Na osnovu članova 25., 69 stav (2) alineja d) i 70. stav (4) Zakona o javnim nabavkama ("Službeni glasnik BiH", broj 39/14), preporuke Komisije za provođenje postupka javne nabavke radova „Uređenje korita rijeke Sane u naselju Gornji Dubočani, općina Ključ“, donosim

O D L U K U
o poništenju postupka javne nabavke radova
„Uređenje korita rijeke Sane u naselju Gornji Dubočani, općina Ključ“

Član 1.

Poništava se postupak javne nabavke radova „Uređenje korita rijeke Sane u naselju Gornji Dubočani, općina Ključ“ iz razloga što nijedna od primljenih ponuda nije prihvatljiva.

Član 2.

Za izvršenje ove Odluke zadužuje se Sektor za realizaciju projekata Agencije za vodno područje rijeke Save, Sarajevo.

Član 3.

Ova odluka će se objaviti na web-stranici www.voda.ba, istovremeno s upućivanjem odluka ponuđačima koji su učestvovali u postupku javne nabavke, shodno članu 70. Stav (6) Zakona o javnim nabavkama.

Član 4.

Stupanjem na snagu ove Odluke poništava se Odluka o poništenju postupka javne nabavke radova „Uređenje korita rijeke Sane u naselju Gornji Dubočani, općina Ključ“ broj: 30-721-9/18 od 28.08.2018. godine.

Član 5.

Ova Odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 30-721-2/18 od 02.07.2018. godine. Javna nabavka je provedena putem otvorenog postupka. Procijenjena vrijednost nabavke bez PDV-a iznosi 85.000,00 KM. Obavještenje o nabavci broj: 1132-1-3-110-3-95/18 je poslato na objavu i objavljeno na portalu javnih nabavki dana 20.07.2018. godine.

Na adresu Agencije je pristigla sljedeća ponuda:

R. broj	PONUĐAČ	Cijena na (javnom) otvaranju KM (bez PDV-a)
1.	HRNIČIĆ KOP d.o.o. KLJUČ	83.208,19

Komisija za nabavku je imenovana Rješenjem broj: 30-721-4/18 od 20.07.2018. godine. Komisija je blagovremeno i pravilno izvršila otvaranje i ocjenu pristiglih ponuda, o čemu je sačinila Zapisnik o otvaranju ponuda i Zapisnik o pregledu i ocjeni ponuda.

Nakon pregleda ponude Komisija je konstatovala sljedeće:

Ponudač HRNIČIĆ KOP d.o.o. KLJUČ je dostavio podatke Petra Vujanića, dipl.inž.građ za poziciju šefa gradilišta. Iz dostavljenih dokaza se vidi da je navedeni Petar Vujanić diplomirani inženjergrađevine opšteg smjera iako je tačkom 3.1 d) II. pod 1. predmetne tenderske dokumentacije za tu poziciju tražen diplomirani inženjer građevine hidrotehničkog smjera. Nadalje, tačkom 3.1 d) I. Predmetne tenderske dokumentacije je traženo uspješno iskustvo kao osnovnog ugovarača u realizaciji najmanje 1 (jednog) ugovora čija su karakter i kompleksnost isti ili slični onima koje se odnose na predmetnu nabavku (izgradnja objekata riječne hidrotehnike) u predhodne 3 (tri) godine, od kojih minimalno 1 (jedan) ugovor mora biti vrijednosti jednake ili veće od procjenjene vrijednosti nabavke. Na osnovu dostavljene referenc liste i potvrda o uspješno izvedenim radovima Komisija je ustanovila da Ponudač nije dostavio dokaz za ispunjavanje uslova iz tačke 3.1 d) I. predmetne tenderske dokumentacije.

Shodno rezultatima pregleda i ocijene ponuda i rang listi prihvatljivih ponuda donesena je Odluka o poništenju predmetnog postupka broj 30-721-9/18 od 28.08.2018. godine kojom je postupak poništen iz razloga što nijedna od primljenih ponuda nije prihvatljiva.

Dana 07.09.2018. godine, Ugovorni organ je u postupku javne nabavke radova: „Uređenje korita rijeke Sane u naselju Gornji Dubočani, općina Ključ“ zaprimio žalbu bb na Odluku o poništenju postupka javne nabavke broj: 30-721-9/18 od 28.08.2018. godine dostavljenu od ponuđača HRNIČIĆ KOP d.o.o. Ključ u kojoj se navodi da se žalba ulaže zbog pogrešno utvrđenog činjeničnog stanja odnosno ocijene ponude u gore navedenom postupku, vezano za tačku 3.1 d) II. pod 1. i tačku 3.1 d) I predmetne tenderske dokumentacije.

Dopisom bb od 12.09.2018. godine **Žalioc HRNIČIĆ KOP d.o.o. Ključ je obavjestio Ugovorni organ da odustaje od žalbe u dijelu vezanom za tačku 3.1 d) I. predmetne tenderske dokumentacije** koja se odnosi na traženo iskustvo u realizaciji najmanje jednog ugovora čija su karakter i kompleksnost isti ili slični onima koje se odnose na predmetnu nabavku u predhodne tri godine, od kojih minimalno jedan ugovor mora biti vrijednosti jednake ili veće od procjenjene vrijednosti nabavke, **te da ostaje pri žalbi zbog pogrešno utvrđenog činjeničnog stanja vezanog za tačku 3.1 d) II. pod 1. predmetne tenderske dokumentacije.**

Ugovorni organ, razmatrajući žalbu, je utvrdio da je ona **osnovana**, te u Izjašnjenju o navodima žalbe broj: 30-721-12/18 od 12.09.2018. godine naveo da će vezano za tačku 3.1 d) II pod 1. predmetne tenderske dokumentacije Ugovorni organ postupiti u skladu sa odredbama ZJN-a.

Nakon ponovnog pregleda ponude Komisija je konstatovala sljedeće:

Tačkom 3.1 d) pod I. predmetne tenderske dokumentacije je traženo uspješno iskustvo kao osnovnog ugovarača u realizaciji najmanje 1 (jednog) ugovora čija su karakter i kompleksnost isti ili slični onima koje se odnose na predmetnu nabavku (izgradnja objekata riječne hidrotehnike) u predhodne 3 (tri) godine, od kojih minimalno 1 (jedan) ugovor mora biti vrijednosti jednake ili veće od procjenjene vrijednosti nabavke. Na osnovu dostavljene referenc liste i potvrda o uspješno izvedenim radovima Komisija je ustanovila da Ponuđač nije dostavio dokaz za ispunjavanje uslova iz tačke 3.1 d) pod I. predmetne tenderske dokumentacije. Procijenjena vrijednost predmetnih radova, a koja je i navedena i dostupna u predmetnom Obavještenju o nabavci, iznosi 85.000,00 KM bez PDV-a. Ponuđač HRNČIĆ KOP d.o.o. Ključ je dostavio Referenc listu u kojoj su navedena tri ugovora, od kojih najveći ima vrijednost od 84.524,97 KM bez PDV-a, čime nije ispunjen uslov postavljen tenderskom dokumentacijom, a kojim je traženo da minimalno 1 (jedan) ugovor mora biti vrijednosti jednake ili veće od procjenjene vrijednosti nabavke.

Na osnovu navedenog odlučeno je kao u dispozitivu.

PRAVNA POUKA:

Učesnik u postupku koji smatra da je ugovorni organ donošenjem ove Odluke prekršio jednu ili više odredbi Zakona o javnim nabavkama BiH ili podzakonskih akata može shodno članu 99. i članu 101. stav (1) tačka d) Zakona o javnim nabavkama BiH izjaviti žalbu ugovornom organu u roku od 10 (deset) dana od dana prijema Odluke o poništenju postupka. Žalba se podnosi u najmanje 3 primjerka „Agenciji za vodno područje rijeke Save“ Sarajevo. Žalilac je obavezan platiti naknadu za pokretanje žalbenog postupka u iznosu od 2.000,00 KM (član 108. stav (1) tačka c) Zakona o javnim nabavkama BiH).


DIREKTOR
Sejad Delić, dipl.inž.

Dostaviti:

- Ponuđaču
- Sektor 50
- Sektor 30
- a/a